

武

備

志

武備志卷一百五十一

防風茅元儀嶠

占度載

占四

占日三

日之色

天氣下降地氣未升厚則日紫薄則日赤若於夜則月白皆將雨也天氣未降地氣上升厚則日黃薄則日白若於夜則月赤將旱且風亦爲日月暈

之候雨少而多陰天氣已降地氣又升上下未交則日青若於夜則月綠色將寒候也或天地氣雖交而未密則日黑若於夜則月青將雨不雨變爲  
雲霧暈背虹霓

日華五彩天下和平

日色白西風成旋陰陽氣亂陰謀兵起又曰有亾諸侯兩軍相當則其分軍敗將死一曰四夷動一曰爲旱爲喪

日白體動而寒天子親伐茲謂不知

日色慘白、凄風成旋、有殺戮事、攻城則城中有者、城爲所屠、

日赤如赭、大將軍野戰、一曰、主兵急、

日赤如血、君憂臣背、災癘盜賊並起、

日赤如火、血、大臣並亂、天旱、

日光四散、赤如血流、照地皆赤、君道失明、又曰、賊入宮、以急兵見伐、又曰、臣逆君、

日赤如炭火、主急兵、

日青色、或如火光、國有災、

日色變黑，天子臨危，命在四方。

日有黑光，多死兵，不出六十日，有大水傷五穀，其所見之國，貴十倍。

白日黑暗，天下兵起，大亂。

日色黃，有白雲，紅氣，宜收兵，謹備。

日色變黃，濁色，黑光，搖動，國有暴怒之令，主火。

日色黃赤，有災疫，白色，多死，亡。

日色有碧，陰氣重盛，東夷亂，臣下叛。

日有青黃白不定，主王侯大臣作亂，兵起。

日色或黑或青或白或黃師破

日失色國不昌

日變色有軍軍破無軍喪侯王

天氣清淨無游氣日月不明爲失色主災游氣蔽天日月失色風雨之候

日白色無光月內少雨主旱

日赤色無光天下血流成河國亂軍憂赤如血爲旱烟雲體黑籠罩映日之光而成赤

日青色無光主勢奪

日紫色無光、草寇兵起、一曰、夷狄內侵、

日青赤無光、或黑綠、或如炭色、在二月、四夷來侵、五月、南夷爲亂、八月、有謀殺主者、十月、人主失國、蛇行人道、十一月、後九十日、天雨赭塵、來年十一月、枉矢出、天下兵起、十二月、四夷來侵、應在九十一日、

日無光、有死王、又曰、日無雲、日光不見、如此三日、有大喪、有滅國、一曰、羣盜起、

日暗無光、天雲盡赤、三十日、有兵君亡、五十日、兵

大起、人流亾、九十日、社稷亾、一百二十日、國爲  
日有黑雲、遶而無光、城中有軍突出、宜守之吉  
日光昏暗、紅色霧結、濃陰有大風雨、大熱若無風  
雨、大熱、主我軍勝、

日濛濛、無光、士卒內亂、將軍宜循法度、察有功以  
自明、及有兵內發、嚴刑而伺姦人者勝、

日盡無光、王者絕世、

日暗無光、陽道衰微、君信讒邪、陰謀憂喪、

日暗無光、夷狄入主中國、



沉陰、日月無光、晝不見日、夜不見星、有雲障之、兩敵相當、陰相圖議、

日出東方二竿、停停無光、日日病、未入西方、停停無光、日日死、日病、日死、王侯災、一曰有風雨、不雨、邊亂國危、

日至辰時無光、天下大亂、

日無光、中有物、或青或赤、或黃或黑、如爪踴躍、世王絕命、

日五日無光、滄海變桑田、

晝晦臣制君見星國亡

日晝昏行人無影到暮不止上刑急下不聊生不出一年兵亂有大水又曰日晝昏臣叛君

日昏失色行人無影鳥鳥羣鳴主將軍出旌旗舉白衣會妖寇至

日入時忽有赤光燭地行人有形名反照必有反者

日色若暗軍守其疆日色濛濛先輸後疆日色皎皎半青半黃賊兵欲至奪我旗鎗日色渾渾四畔

鮮明我軍捷勝大戰尸僵日色大黃或暗或光氣  
黑遍野流血成塘日光閃閃上將受降日出明朗  
行軍大昌

日中有黑子黑氣黑雲乍三乍五臣廢其主一曰  
黑者陰也臣不掩君惡令下見百姓惡君則有此  
變

日生黑異或黑鷹黑子黑暈或變王字或變怪形  
或變人像人頭禽獸主人君昏昧奸臣專權陰謀  
篡弑

日中有黑氣，乍青乍黑，乍黃乍赤，三三五五，多至數十，圍繞日四旁，天下謀叛。

日中有黑氣如瓜形，有兵起。

日中有黑氣闕，天下有大兵相攻戰，其分有叛城，不出二年大饑。

黑物在日中如飛燕，人主廢黜。

四月日變黑陰，盛於陽，奸臣擅政，陰謀作亂。

十月日變黑陽，不勝陰，君志昏迷，讒邪謀叛。

日旁有黑氣磨盪，國易主，兩軍相當，大將死其下。

日中有火光氣見其國君左右大臣有反者

日之氣

五色氣如虹貫日主白衣會其下謀亂赤氣則其殃甚

白虹貫日陰陽犯也女后專權陰謀殺奪一曰近臣爲亂不則諸侯有反者一曰主五十日內兵起於秦地一曰主十日內國有兵亂三年方定一曰主殺戮一曰君亾臣代興

白虹啣日臣有背主無德者亾

白雲虹貫日主仇人入境更以大兵起也

白霞貫日謀逆弑奪

氣如白虹貫日合戰殺賊白雲接應卽吉主有上將來歸

白氣貫日軍在外將死無軍人主當之

白氣交錯貫日而過軍不和失律

日下有白氣如懸弓大亂兵起一道一亂以數占之

日下有白雲交叉如刀夾日而刀向下者半凶

日下有白氣如揭旗幟、天子有喜、其分君亦喜、  
日旁當中白氣東南起、連卯酉者、主君升遐、  
白氣自上下冲日、君憂、

白氣圍日、亡城、

白雲廣二尺在日左右、其下兵起、國憂、

白雲三方環日、脚下垂而上空明者、大敗、

日出時有黑雲如蓋、四邊垂者、三日、後多風雨、不  
雨、陰謀主將、

日兩旁有黑雲爲伏兵在路、慮後戰之大吉、

黑雲湧日軍大敗

黃蜺貫日天下大喜一日主交爭

氣如黃蛇貫日有交兵

日旁有黃雲氣掩日所照皆黃主亂兵起夷狄大

入中國

黃雲擁日必大勝

黃雲夾擁日旁者大勝

黃氣抱日鄰國臣佐來降

日旁雲氣色黃潤皆爲吉祥



山竹二八三  
紫蜺貫日、明君出世、

日旁突出大山紫氣盤旋而下散者、敵不敗、

青虹貫日、天下兵亂、人民多疾、一年災、

青蜺貫日、天下不安、血流成河、

氣如青蛇貫日、有陰謀主疾疫、

青雲挾日、其分野臣下有謀、

青氣遶日、陽道不消、寇賊起、兵圍於城下、主有交

戰、

青氣三道貫日、國有讒人、將軍失位、

青氣疾來縱橫日有奸人入城中、

日有青氣在上下者吉可出軍、

日有青氣貫日者主臣謀君兵起于秦地、

兩軍相近日邊生青氣如半月者速進軍必勝、

日有青氣如十字貫日中央大禍將來先露兆奸  
凶懷恨作妖祥一日不出五十日夷狄犯中國君  
出走大亂三年、

日旁青氣散如飛變作雁行者小國賊臣反、  
日下青氣如鳥敵人相謀宜急設備、

日旁青氣如兩鳥人主憂大兵暴起

日上下有青氣可以出軍戰必勝

黑虹貫日兵亂六起國主憂危一曰臣謀逆有軍  
在外客將死

黑蜺貫日五穀不熟百事皆凶

黑氣如龍承日旁及如人臥背日旁者下有叛臣  
日上下有黑氣如蛟龍者主風雨敵人相謀宜急  
設備

氣如黑蛇貫日主雨水一曰有反者

黑雲如狸皮掩日，軍不和，有屠城。

日始出，有黑雲貫之，或一或二三，不出三日，不有暴雨，則有害主者。

日出有黑雲如隔，其下有兵，遇雨即解。

日四邊有黑氣如雲，攻城未克。

赤氣如牛守日，其下有兵戰，如馬守日，苦戰有兵傷。

日伴有赤雲如虎形，三日內王命至，有賊自來降，吉。

赤雲如鳥夾日而飛其分野憂一曰其國君亡  
雲如赤鳥喙日主兵起

赤雲如雞雉在日上不出三月其分野有兵喪  
日下有赤雲交叉如刀夾日而刃向下者大凶  
日下有赤氣如鋒刃在兩旁破軍殺將人主受其  
殃

日旁赤氣如懸鐘如臥人者邊將死

日旁氣如杵赤而明不宜出軍

日旁有赤雲曲如車輪其下有兵亡也一曰臣背

其主

赤氣如布席掩日爲大戰

日旁有赤氣如木無葉者兵起客勝

日旁赤雲如衆樹有兵起客勝

赤雲如掃夾日者不宜先舉兵

日上赤氣客將死

日有赤氣圍繞不出三日大雨不則大臣叛

日中有赤雲一道穿過主人民流散兵戈起民逃

亡矣

日邊赤氣三重、天下兵起、

日旁有赤雲相交、其下有兵、不宜先舉、

日旁有赤雲向日、不出三年、其下有立者、

日旁有赤雲兩端銳、其下不宜先舉兵、

赤雲三方環日、脚下垂而上空明者、大勝、

赤雲扶日、其下兵起失地、

赤雲掩日、其下大戰、凶地、

日入時天雲盡赤、大旱、兵起、久旱而有赤雲遍天、

照映山谷、則來日有雨、

赤氣隨日出君有憂隨日沒外告急

赤色貫日爲破軍星兩國相殺

日上下或青或赤曲向外反背其外有臣叛君守  
邊之將主有二心

青黃氣如蛇纏日兵亂謀弑

青赤氣如虹與日俱出所臨國大有憂

日下有雲如青赤馬主敵人相謀須先有備方無  
患

日下有黃黑雲如刀交叉夾日而刃向上者太凶



勿出兵、

日邊黃紫雲如魚鱗起不散、行至我營上者、軍必勝、行敵營上勿攻戰、

日中赤黃逢入日中、從虹霓處大戰、殺將、

日邊有雲氣、白黃將吉、青黑氣將返歸、

日旁有雲氣冲天、青黑不利、黃白紫軍勝、

青赤黃氣如虹在日旁、屈曲如車輪、或二三、或五、

六、此天之殺氣也、名曰天殃、其國兵旱、疾疫俱起、

赤白青黃氣刺日、其分野有兵、

日四方五色雲皆新見其下國有謀臣不安主  
日旁有雲氣相交穿貫于日將不和有破軍者  
日旁格氣橫在上下心腹之憂  
有氣在日旁去疾者軍無功停半日者小勝終日  
者大勝

日下有雲氣如死虹其分大疫大饑

日中有雲如人狀其下有叛臣

日下有氣如人所持者其下臣叛一曰兵叛

日下有氣如人垂衣天子之氣

日旁雲氣如臥人有死將

日旁氣如人頭如旗旌內懸鐘皆爲兵起流血

日旁雲氣如兩手在其側更有金星出現者后妃作孽生亂帝受其殃

日旁氣如舉手或作筭形若居兩手間者君失其位

日旁有雲氣如獸向日開口臣弑其君棄國而走日下有雲如虎蹲者大敗

四時王日有雲氣如虎守日以五色占克其時令

者、臣下不利于君、

日下漠漠氣如車馬馳走之狀、其下有破軍、一日、  
日下有氣漠漠如車馬鳥蛇、或如人披甲而走、或  
如虎躅、皆爲大將反、

日旁分八字、下有氣如麋鹿成隊而走、軍敗將亡、  
日旁氣如兩馬向日、人主以暴虐遭禍、

日旁有氣如牛鬪、又有如人無首在旁者、宗社必  
危、

日旁雲氣如蛇如馬、中青有反者、

日旁有氣如蛇、其下有賊兵、一曰有交兵、

日旁有氣如雙雞、主國大旱、人民荒歉、國亂人亾、  
累歲災生、

日旁氣如鼠在樹枝間、又有頭、必出洪水、急宜移  
營高阜、

日旁氣如一樹、根蒂橫出、國君自經、

日旁氣如幕如花、相連不斷、后宮內亂、

日旁氣如剪刀、更有散花如桃杏者、王失政、后妃  
專權、

日旁雲氣大如席，萬人戰，一曰兵衆戰死。

日旁氣如壁形，其形圓如暈者，臣下謀反。

日旁雲氣散張如死烟，火星迸者，宜堅守勿動。

日上下四旁有雲氣如博局，小臣謀主，期一年。

日下有亂雲如承趺兩重，上如二日者，攻戰殺傷。

若一輪貫日，爲主勝客。

日下有雲氣如布幅大長侵日，若色白，是殺氣，防。

有戰在我營勝。

日下有雲如刀劍三五成列，刃向抵日者，大凶急。

移營防備刃向下者凶勿戰

日下有氣如弓如箭外向軍出威勇

日邊有氣如斧鉞君憂一曰君無禮受殃

日邊有雲氣如錐刺日君死於賊

日邊有雲氣如杵長七八尺及杖撞日臣犯上入  
之其國主死赤以兵

日將落有雲如樹枝不過三日兵敗禳之可免

日將落有雲生脚下垂三日內有風雨無則主兵  
災

日兩旁雲夾擁而脚一上一下者先凶後吉

雲三方夾日而脚亂竄者交戰凶

日上下連左旁三段雲擁百戰百勝如黑雲相侵則有大敗

### 日之星

旦星盡見人主失國

日出時有一星與日爭光主陰謀事夷狄兵起

日當午有星在日下妃妾謀弑其君

日當午二星夾日下人謀上奸臣在內後官闕竈



謀反又曰將軍與內臣合謀四星環繞之侯王奪主國五星繞之太子爲不利又曰天子不能制下則星與日並出

九曜簇擁日邊如火如燈者九州大亂

妖星與日並出名曰婦人星與日爭光夫弱婦強女子爲王爲喪爲兵

日四角有彗星主吳地兵起三年方定

日下有彗星傷日者主君憂三十日大臣謀位刀

兵

丁定

日旁有星光，或太白經天，主國危無日。有星向斷，  
日上下有星，小臣謀逆。

日左右有星在其旁，侍臣圖弑，將軍同謀。

三星在日上際，臣欲弑君。

四星在日四旁，侯欲爲王。

日在三台內，變謀君。

日在斗中大將欲衰。

日在牛宿，國內有虛驚，兵起。

日在氐宿，兵亂外憂。

日在天獄中三府兵起又曰主君被北方將謀位  
五十日內兵起三年方定

武備志卷一百五十二

武備志卷一百五十二

占度載

占五

占月一

茅子曰月爲太陰之象、借光于日、以之配位、女子之象也、以之比德、刑罰之義也、以之定上下諸侯、大臣之義也、刑之大者爲兵、女主侵權、大臣犯上、皆兵之急也、故皆載之、其類與日同、

月之形

月之蝕

月之暈

月之變

月之色

月之氣

月之星

月之形

青赤氣蓋于月旁曰珥黃國有喜赤青兵火白憂

喪黑水災失地皆期于三年一曰月有珥萬田  
傷不利大凶

月有白珥其下城降

月昏而珥有喜

月夜半而珥邊地有兵

月有珥貫入中央君王失位天下相殺

月左右珥天下萬民同慶

月左有珥臣與君青衣北宮姦

月右有珥臣與君青衣南宮姦

月有兩珥其下國喜軍在外勝

月兩珥而白虹貫之爲戰兵

月有兩珥三珥四珥皆主國喜兵在外勝

月有四珥其下國安有喜

月生四珥主賊寇大亂兵起一年應之兵火萬家

月珥且戴不出百日有喜

月冠而珥有大風人主有喜

月始生有黑氣貫月名曰微雲或一或二或三四

不出三日有兵暴雨

五彩炫耀月旁曰璫臣下縱欲互相殘害

月有四璫臣下有謀不成

月有背璫臣欲爲邪其色青中外赤有芒刺則爲逆赤中青外無芒刺則爲謀數見則國凶一曰月有背璫臣下縱放相殘宜備左右

月有抱爲順背爲逆抱且背爲不和臣欲有爲忠者亦欲有爲邪者

青赤氣蓋在月上曰冠國任賢臣

青赤氣倚於月旁曰戟平時逐相有兵兵敗將死



月內青赤氣作紋日痕兵宜自固其敵終降  
赤氣雙垂月下日履姦邪謀逆君王出走  
青赤氣如頭抵月日觸大戰流血將凶國危白兵  
起黑兵敗

青赤氣散垂月下日紐君德不固殃其國

青赤氣如人頭弔月下日墜兵士違律累其將

青赤氣托在月下日序行兵得勝衛國封侯

月有戴氣不出百日人主有憂一日主有喜

月生三日其中纓纓如絲布狀其野墟兵盡出在

外主人不勝

月之蝕

月蝕乃陽氣太盛於九道交行之時，冲掩月光，日行十三度，凡羅計在十三度前後相隨，迫交道並主爲蝕。鯨魚至陰之物，以蝕爲感。月蝕則鯨魚死，蓋陰之傷。八十月極當至明，以象陰德之昌，或失色或蝕，皆陰德大虧之象。主將相災危，刑罰不明，獄有冤濫，掌陰者曲政用事，宜省刑，去不肖，以避其咎，則其禍可消。

月蝕所離宿次其下有大戰拔城

月初生而蝕將敗于野

月蝕望前天子弱大臣強不能立功成事又曰未盈而蝕宮中有變

月滿而蝕者兩敵相當若無兵將死于野

月不望而蝕或望後而蝕其國大水溢大臣死后妃憂以月占國

月蝕從上始是謂失道國君當之月蝕從旁始是謂失令相臣當之一曰主失其政月蝕從下始是

謂失法將軍當之

月蝕既陽道極也、后難將軍災、五穀貴、大人憂、  
人死、兵起、

月蝕不盡君當之、

月蝕不盡、光輝散、臣之憂、

月蝕且盡、破軍殺將、國主災危、

月蝕盡、君有殃、一曰五穀貴、其國分當之、

月蝕大半以上、大水、以日支占國、

月落盡蝕者、兵大起、

兩月並蝕、天下亂、

月蝕後三日內雨、百事解、

月蝕而鬪、兵革亂起、大戰、隨所蝕戰利、

月蝕而鬪、且暈、國君惡之、有軍必戰、無軍兵起、一

日、隨所蝕伐之利、

兵在內而月蝕者、其國受殃、兵未起而月蝕者、所

當之國兵戰不勝、

兵在外而月蝕、蝕分強者軍必還、蝕盡者城亡、將

殺、

兵在外月蝕下而上者將軍當之

月蝕出軍軍傷失地

月蝕盡將死蝕不盡軍敗將不死

月蝕而戰破軍死將拔邑亡城

月春蝕東方將軍死夏蝕旱一曰國有憂秋未不成秋蝕兵起一曰邊有兵民不安西方災冬蝕其國饑將有憂一曰春多潦女主憂

月春蝕東方夏蝕南方秋食西方冬蝕北方其下軍憂

月蝕以旦、太子當之、月蝕以夕、君當之、

月蝕東方、其月惡風、

月蝕西方、主兵利、

月蝕青色、五穀有收、一曰、人多死、五穀傷、

月蝕赤色、客兵利、一曰、歲旱、兵起、一曰、君爲客、不

出一年、

月蝕而赤如血者、叛臣也、

月蝕黃色、王侯謀立、

月蝕白色、其國失地、一曰、國有喪、

月蝕黑色水災

月已蝕而青者爲憂、赤者爲兵、黃者爲財、白者爲喪、黑者爲水、

月蝕有輝色蒼色、蟲蝗、主大臣災、有大水、民流亡、以日辰占在地、

月蝕有氣從外來入月中者、主憂氣不利、從中出者、客憂氣不利、從南行南軍不利、東西北皆然、氣所向者敗、

月蝕雜氣射人、兵亂將凶、



月蝕彗氣射人、將相災危、有兵從射方擊之勝、

月中生禾、隔十日、月蝕、國有大憂、兵起、

月蝕箕、爲水旱、爲風、爲饑、車騎滿野、

月蝕南斗、其分國饑、有水兵、

月蝕牽牛、有兵、

月蝕須女、爲兵旱、國有憂、

月蝕室、蝕婁、歲饑、

月蝕胃、將亡、亦爲饑、

月蝕昴、爲饑、邊兵起、將死、北地叛、

月蝕畢趙分有兵

月蝕觜觿爲旱大將憂有叛主者

月蝕參爲兵臣下有謀其分大饑外兵大將死

月蝕井有內亂五穀不登其分有兵

月蝕七星歲饑民流其國更政

月蝕張其分饑

月蝕翼北方有兵

月與歲星同宿而蝕兵戰粟貴

月犯歲星而蝕天下有大戰

月蝕歲星而暈、民大饑、兵大戰、

月犯熒惑而蝕者、其下破軍亡地、大將憂、近一年、  
遠三年、

月蝕與熒惑同宿、有大戰、賊以火攻、

月犯填星而蝕者、主將亡功、

填星與月同光、其日月蝕若星搖徙、其下亡地、

太白與月同光、其日月蝕、其下有兵、

月蝕而有星入其魄中、兵起、

月蝕之次、其內虧蝕處有流星出、君王失位、兵戈

亂動、流移南北、不過三年、戎兵侵境、

月蝕彗星入月者、其下有兵、

月蝕列星不見者、國亡、

月行與木星同宿而蝕、粟貴、民相食、農官憂、

月行與火星同宿而蝕、天下破亡、有憂、

月行與土星同宿而蝕、國以饑亡、

月行與金星同宿而蝕、強國戰不勝、亡城、大將有

二心

月行與水星同宿而蝕、其國以女亂、由是而亡、

月蝕子夜、北方兵起、天下大水、傷五穀、丑夜、天下傷災、寅夜、虎狼食人、大凶、卯夜、大賊起、國內有號令、辰夜、主有奸人代君、天下大亂、巳夜、國內不安、代君爲主、午夜、秦地不安、天下大亂、未夜、汾陽有奸人爲亂、申夜、荆地有奸人欲害君王、酉夜、吳地有奸人爲亂、欲伐君、戌夜、楚地不安、亥夜、趙地不安、

### 月之暈

月暈、軍營之象、大抵主戰鬪、見暈光破爲圓、欠而

方消戰久而不解之象如無軍主大風雨有諶  
一曰主旱風不止

月終歲不暈天下太平一曰鄰國求和

月春暈木日夏火日秋金日冬水日四季土日皆  
爲其分有殃主死國亂

孟月十一日仲月八日季月九日皆當月有暈若  
不暈不出三日有暴風雨不則爲兵災

月正月甲乙日暈人疾疫丙丁日暈旱戊巳日暈  
大水土功起庚辛日暈大兵壬癸日暈江河決溢

又曰四時壬癸日暈皆爲水

月正月八日十二日暈國兵盡出有軍在外則罷  
月以正月五暈天下更三六暈有亡國七暈八暈  
道路多死人

月正月三暈民間歲惡

月一月三暈王者自將出行五暈至九暈其國亡  
地十暈以上天下更改

五月中月至九暈道上多熱死人

常以十二月八日候月若暈再重有大風兵起災

在內、女親用事、

月暈西向主風雨害五穀、東向主五穀各有收、一  
日風敗五穀、北向主大水爲災、南向者旱風、

月暈正偃、天下有兵、兵合無兵主凶、

軍在外、月暈者、戰勝、

月暈厚薄、四方勻者、軍吉、

月作散暈、賊謀不成、行師得勝、

月暈闕者、其國君背約、

月暈不合者、外謀不臧、



月暈多直爲兵、曲爲逆、

月暈先合而後消、所在方勝、

月暈明旺者、自將兵、

月暈有光、我軍勝、賊降、

月暈垂光於下、兵革起、亂將帥災危、

月暈無光、是謂大盈、其下有兵、王者以德勝之、

月暈黃色、將軍有喜、益祿進爵、

月色黃有交暈、所宿國受兵、

月暈赤色、火旱興災、兵殘人死、

月暈赤而有光、天子起兵、攻城、城降、

月交暈赤光、其國不二年遇兵、

月暈三重、其外赤而中獨不散者、軍會聚、

月暈白色、王侯謀立、起兵作亂、

月重白暈、王侯謀逆、有兵主久戰、

白暈貫月、其月必有廢主、

月暈黑色、國主憂危、野有多水災、

月暈赤白色、將相離心、殘賊誅戮、

月暈中赤外青、羣臣親附、外赤中青、臣有外謀、

月作二天者三  
月、色黃白、有交暈、一黃一赤、所宿國益地、不出二年、

月生四暈、或青或黃或赤者、三日寅卯時防此雲合凶、明日寅卯時謹防、若午未戰定不祥、

月外有環暈五重、附近者紫紅色、白者次之、青者又次之、黃者又次之、最外深紅、各相去一丈、分寸不差、忒其圓如規、是謂月重輪、此爲太白極盛、不利於君、

月暈有白虹貫月、兵大起、將軍死野、又曰、爲不臣、

月暈多白氣從外入攻城必拔得大將從內出  
主人戰勝

月暈有白氣交橫貫月有大將暴亡軍士敗令  
月暈重疊或三日常暈有白霞虹氣貫月王者惡  
之大臣女后災

月暈而有赤雲如火其地圍城降

月暈再重有赤雲繞之如杵衝之有軍在外大戰  
萬人死其下

月暈三重赤雲貫之其下國亡

月暈有黑雲氣入暈中隨所入擊之勝

凡月暈有非常炁色皆爲后妃謀

月暈虹蜺直指暈至月者破軍殺將

月暈有蜺雲乘之以戰從蜺所往者大勝

月暈有雲橫貫之起兵者勝一曰有雲貫之左右  
吏死

月暈有氣橫冲冠兵驍勇破管殺將

月暈有雲如厚布若三若四貫月者以戰勿當當  
者破軍

月暈如連環、兵起爭地、

月一歲有連環暈、至五六、其色青、或赤黃潤澤、皆女主昌、欲移國祚、

月暈如連環、有白虹在外不及者、女人陰謀、主見弑奪、

月有白暈連環、連接北斗、其國大兵、大亂流血、其下亡地、

月暈三環連接、天子溺愛寵妾、后妃盛強、其國危、黑色來年大水、五穀不成、赤色爲兵爲旱、

月暈再重，大風兵起，三重有兵，有拒城亡國，四重國危，兵起，番戎五重，后災，臣憂，六重君失政，七重天下易主，八重世亂，九重血戰，國亡，十重天下更王。

月暈而有流星，交入暈中，或落月上下，其國亂，暈而不風，大臣起兵。

月暈天無雲，有流星過月上下，其國有喜。

月暈而流星橫度暈中，諸侯有亡國失地者。

流星從月暈中出，其國有憂，青色有拔城，黑色破。

軍

月環暈有流星入之外國使來流星黃白潤澤  
爲喜

月暈有流星出暈月其國貴人走有流星入暈月  
臣走在外者還

月暈有客星在月北北國勝在月南南國勝

月暈有珥將災三日有雨則解無雨則凶一日有  
大水

月暈而珥六十日兵起不暈而珥有喜兵在外亦



喜、

月暈而珥兵起、從珥攻擊者利、

月暈有抱珥在暈外赤者、外人勝、

月暈有珥垂下、兵戰災凶、

月暈一珥得珥之國失地、

月暈有白珥上將戰死、

月暈兩珥先起者勝、

月暈有兩珥白虹貫之、天下大戰、以日宿占國、

月暈不合有兩珥其國有水、

月暈外有珥、璫六十日、兵起、外賊亂、

月暈不合、外有珥、背有璫、陰謀不成、

月暈有抱珥、在暈外、外人戰勝、在內、內人戰勝、

月暈一重一璫、上冠旁有珥、兵起、

月暈有抱、所臨者勝、

月暈有璫、臣叛兵起、

月暈而冠、天子有喜、多大風、

月暈有璫、臣反兵起、

月暈反背、將相異志、

月暈再重、背在外者私成於外、背在內者私成於內、

月暈圍角亢、大將軍有憂、

月暈圍角亢底、天下士卒死、

月暈圍氐房心、其地有役、

月暈圍房心、天子國危、兵起廟堂、

月暈圍尾箕、人疾病、

月暈圍箕斗、兵從東方北方來者勝、南方來者不

勝、

月暈圍箕斗、五穀不成、

月暈圍南斗、大將易、

月暈圍牛女、牛多暴死、

月暈圍虛危、有兵謀不成、一曰、兵起、宗廟動、

月暈圍室壁、風起大水、其地有謀不成、一曰、土工

大興、

月暈圍奎婁、其地大病、

月暈圍胃昂、人多腹疾、

月暈圍胃昂畢、有德令、不則有反者、兵起、

月暈圍昴畢參不出三年人主憂

月暈圍畢觜參弓弩貴

月暈圍井鬼其年不和一日旱

月暈圍翼軫軍在外戰亡其偏將

月暈圍軫角先起兵者不勝

月在角暈圍北斗大臣有誅者

月暈在兩角間大水多風雨大將憂暈連角先起

兵者勝若有功期八十日秋三月兵戰水災再暈大水不則王者自將兵一日其分兵起暈右角右

將災、左亦然、

月暈三重入天門及兩角、兵起將失利、

月暈亢多雨、外有兵革之事、其分先起兵者勝、一曰將軍死、

月暈氏大將凶、人疫、在冬爲水、

月暈房有風雨、不則爲旱、一曰爲兵、

月暈心爲旱、穀貴、蟲生、將凶、與五星合、大凶、

月暈尾、四足蟲害物、國易政、一曰將相憂、其分有水災、

月暈箕爲風穀貴大將易西北兵不勝一曰暈從  
東北方來入箕中兵在外者勝暈從南方來兵散  
月暈南斗將易爵祿更天子法一曰將相有憂人  
民流離一曰有土功將軍暴亡一曰大將刑穀不  
生

月乘斗而變色賊在營中將死大風雨

月暈牛中央大星大將被戮

月乘牛變色牛馬死大水災

月暈須女有兵謀不成

月暈虛有兵謀風起則不成又爲民饑

月暈危兵亂憂饑一曰有兵喪先起兵者敗

月暈室國有亂兵軍無糧君自將一曰爲水爲火

爲風蠻夷來一曰兵起宮中

月暈壁爲風爲水其分有憂

月暈奎兵敗將戮糴貴人疾疫一曰有兵在外不

戰

月暈婁五日不雨軍叛失地一曰糴貴

月暈胃其野有兵不戰一曰兵先動者敗



月暈昴大雨水三穀不收一曰民饑歲三暈弓弩貴

月暈畢兵亂饑喪暈三重邊有叛者一曰若一月  
中三暈天下中外俱改有風雨不則有赦

月暈觜觿道路不通大將死一曰外軍不勝大將  
憂偏裨有死者

月暈參大將將兵一曰人殃亂戰不利

月暈參畢七重匈奴寇邊圍城邑

月暈井爲旱爲兵爲民流陰陽不和則暈暈及三

三日爲大水

月暈輿鬼爲旱一曰粟貴秦地有兵

月暈柳有圍城野有兵戰一曰林苑有兵天下  
土功又爲兵饑爲旱疫

月暈七星其地旱

月暈張爲水災穀貴

月暈翼多土功有戰民移大赦有大風傷物

月暈軫民饑將軍死一曰有兵歲旱多大風

月暈環北斗魁第一第二星北國有來歸者

月暈北極、臣謀主、兵亂、不出三十日、三年乃定、  
月暈北斗、國憂、一曰暈入斗、大水入城、兵起、一曰  
天下亂、

月暈圍北極、五帝內座、臣專權蔽主、天下不安、兵  
起、

月暈太微、天子以兵自衛、

月暈貫索、天下叛逆、

月暈天牢、多盜、

月暈天門外、兵起、

月暈魚星爲旱、

月暈建星大將死、五穀不成、蛟龍見、牛馬疫、

月暈九坎爲水、

月暈天街關梁不通、

月暈狼星兵亂大起、

月暈五星各以分野言之、五星色不明主勝、五星

色明客勝、

月春暈歲星、夏暈熒惑、秋暈太白、冬暈辰星、四季

暈填星、皆主其下有兵、

月暈填星所在之國兵起不勝、

月暈填星所守之國有德、

月暈填星不明主勝、星明客勝、

月暈太白星入暈月中者、星色不明、則客散、星色明而有角、客勝、

月暈太白、其野受兵、戰不勝、所守之國兵起、

月暈太白、星暗、月昏、客敗亡、

月暈辰星、春主大旱、秋主大水、又兵起、

月暈有流星出暈中、青色主憂、城拔、黃色益地、白

色豐稔黑色軍敗